

Apatosaurus

in Wikipedia, die vrye ensiklopedie



Die kopbeen van *A. ajax*, voorwerp CMC VP 7180.

Apatosaurus ("misleidende akkedis") is 'n genus van souropode-dinosourusse wat in die Laat Jura-periode in Noord-Amerika voorgekom het. Dit is aanvanklik in 1877 deur Othniel Charles Marsh beskryf en hy het die eerste bekende spesie *Apatosaurus ajax* genoem en die tweede spesie, wat in 1916 ontdek is,

Apatosaurus louisae. Hulle is tussen 152 miljoen en 151 miljoen jaar oud en het in die Titonium-tydsnede van die Jura voorgekom. *Brontosaurus* is lank beskou as 'n sinoniem vir die *Apatosaurus* en sy tipe-spesie is in 1903 hernoem tot *A. excelsus*.

'n Uitgebreide studie wat in 2015 gepubliseer is, het egter bevind *Brontosaurus* was 'n geldige souropode-genus wat verskil het van *Apatosaurus*.^{[1][2]} Volgens dieselfde studie is nog twee spesies wat voorheen as *Apatosaurus* beskou is, hernoem tot *Brontosaurus parvus* en *Brontosaurus yahnahpin*.^[1]

Beskrywing

Die gemiddelde lengte van 'n *Apatosaurus* was sowat 22,8 meter en die gemiddelde gewig 16,4 ton. Die nekwerwels was korter en swaarder as dié van *Diplodocus*, en die pote se bene was stewiger en langer. Die stert is tydens normale beweging bo die grond gehou.

Nes alle souropodes het *Apatosaurus* net een klou aan elke voorpoot gehad en drie aan elke agterpoot. *Apatosaurus* het "lugsakke" (holtes) in sy bene gehad om die dier ligter te maak. Sy stert is dalk gebruik om soos 'n sweep te klap.

Klassifikasie

Apatosaurus was lid van die familie Diplodocidae, 'n klade van reusagtige souropodes. Die familie sluit van die grootste diere in wat ooit die aarde bewoon het, soos *Diplodocus*, *Supersaurus* en *Barosaurus*. *Apatosaurus* val ook in die subfamilie Apatosaurinae, saam met die *Brontosaurus*.^[1]

Apatosaurus

Tydperk: Laat Jura

152–151 m. jaar gelede

PreЄ Є OS D C P T J K PgN



Wetenskaplike klassifikasie

Koninkryk: Animalia

Filum: Chordata

Klas: Sauropsida

Superorde: Dinosauria

Orde: Saurischia

Suborde: †Sauropodomorpha

Familie: †Diplodocidae

Genus: †***Apatosaurus***
(Marsh, 1877)

Tipespesie

†***Apatosaurus ajax***

Ander spesies

†***Apatosaurus louisae***
(Holland, 1916)

Apatosaurus


Kladistiese klassifikasie

Koninkryk: Animalia

Filum: Chordata


'n Kladogram van die familie Diplodocidae volgens Tschopp, Mateus en Benson (2015):^[1]


Klade:	Dinosauria
Familie:	†Diplodocidae
Genus:	† Apatosaurus (Marsh, 1879)



'n Vergelyking tussen 'n mens en drie dinosourusse: *Apatosaurus ajax* (oranje), *A. louisae* (rooi) en *Brontosaurus excelsus* (groen).

Diplodocidae





Verwysings

1. Tschopp, E.; Mateus, O.V.; Benson, R.B.J. (2015). "A specimen-level phylogenetic analysis and taxonomic revision of Diplodocidae (Dinosauria, Sauropoda)". PeerJ3: e857. doi:10.7717/peerj.857
2. Gorman, James (7 April 2015). "A Prehistoric Giant Is Revived, if Only in Name" (<http://www.nytimes.com/2015/04/08/science/earth/the-brontosaurus-a-prehistoric-giant-is-revived-if-only-in-name.html>). *New York Times* (in Engels). Geargiveer (<https://web.archive.org/web/20190501093203/http://www.nytimes.com/2015/04/08/science/earth/the-brontosaurus-a-prehistoric-giant-is-revived-if-only-in-name.html>) vanaf die oorspronklike op 1 Mei 2019. Besoek op 7 April 2015.

-  Hierdie artikel is vertaal uit die Engelse Wikipedia

Normdata  LCCN: sh88001238 (<https://id.loc.gov/authorities/subjects/sh88001238>)

Ontsluit van "<https://af.wikipedia.org/w/index.php?title=Apatosaurus&oldid=2219966>"

Die bladsy is laas op 29 Junie 2020 om 05:26 bygewerk.

Die teks is beskikbaar onder die lisensie [Creative Commons Erkenning-Insgelyks Deel](#). Aanvullende voorwaardes kan moontlik ook van toepassing wees. Sien die [Algemene Voorwaardes](#) vir meer inligting.